

INUIT ATAQATIGIIT

INATSISARTUNI



UKA2021/050

27. oktober 2021

Harald Bianco

Illup sananeqarneranut akiusup minnerpaaffissaata 1 inatsisitigut aalajangersarneqartup appartinneratigut pisortat inissiaataanni attartortittakkani ineqarnermut akiliutip appartinnejarnissaanut periarfissat misissoqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinikkut ineqarnermut akiliutip, illup sananeqarneranut akiusup, piginnittut aningaaasaliissutinit iluanaarutissaasa aammalu ineqarnermut tapiissutit allanngornerisa imminnut ataqtigiinnerat paasinarsisinneqassapput kiisalu aserfallatsaaliinissamut pilersaarutit attatiinnarneqarnissaat isiginiarneqassalluni. Kiisalu illup illuutit sananeqarneranni naliusup ingerlaavartumik nalikillilerneqartarnerani pitsaaqutit ajoqutillu misissuinikkut qulaajarneqassapput. Misissuinerup inerneri Inatsisartunut kingusinnerpaamik juli 2022-mi agguaanneqassapput.

(Inatsisartunut ilaasortaq Erik Jensen, Siumut)

Sillermik siunnersuuteqartoq Erik Jensen Siummut qutsavigaarpus siunnersuummut.

Qularutissaanngitsumik partiit tamakkerluta ullutsinni pisortat inissiaataanni ineqarnermi akit qaffa-sinnerujussuat qanorioliuuseqarfingisariaqarnera ataatsimoorfigaarpus.

Illup snananeqarnerani akit kiisalu attartornermi akit apparsarnejarnissannik siunnersuuteqartup misissueqqusinera Inuit Ataqatigiinniit soqutiginartippaarpaut. Soqutiginarputtaaq, ineqarnermut akiliutip, illup

INUIT ATAQATIGIIT

INATSISARTUNI



sananerqarnerani akiliutip kiisalu ineqarnermut tapiissutit imminnut ataqatigiinnerisa paasinissaat.

Inuit Ataqatigiinniit siunnersuuteqartup misisueqqusinermik siuneqataqartumik siunnersuuteqarnera paasilluarparput, qanolu Naalakkersuisut aappaagu julimi saqqummiumaarnissaat pissangalluta uaguttaaq utaqqissavarput. Soqutigaarpummi ilaatigut akinik apparsaanikkut innutaasut namminneq ooriuteqarnerulertermikkut nammineq illutaarsinnaanerannik aqqutissiuussiumaartoq Inuit Ataqa-tigiit anguniakkatsinnut aamma ilaammat.

Naggataagut Inuit Ataqatigiinniit oqaatigissavarput, nalunnginnatsigu maanna Naalakkersuisut ineqarnermi aaqqissuusseqqinnissamik annertuumik suliaqatut. Qulaani taasattuut ilaatigut innutaasut pisortat inisiaataannik ineqartitsinerup aamma akit tungaatigut pitsanngorsaataasinnaasunik.

Taamatut naatsumik Inuit Ataqatigiinniit oqaaseqarluta siunnersuut taperserlugu ataatsimiitaliamut ingerlateqqipparput.